

**NATIONAL UNIVERSITY OF LESOTHO**  
**FACULTY OF HUMANITIES**  
**DEPARTMENT OF AFRICAN LANGUAGES AND LITERATURE**

---

**ALT 3302: MODERN SESOTHO POETRY**

**MOTSEANONG 2023      LIMARAKA: 75      NAKO: HORA TSE THARO**

**LITEMOSO**

- Araba lipotso tse **THARO (3)** feela.
- U ka qala ka potso ea khetho ea hao.
- Se ke ua fetola tsela eo lipotso li nomoriloeng ka eona
- Se ke ua iqapela linomoro tse ncha tsa lipotso ha u araba
- Ngola ka makhethe
- Balisisa lipotso pele u araba

## POTSO EA PELE

- a) U tea ka mehlala ho tsoa lithothokisong, bontša na tse latelang li bile le tšutšumetso joang boqaping ba thothokiso ea Sesotho;
- |                                |   |
|--------------------------------|---|
| i) Bojakane.                   | 5 |
| ii) Thoko.                     | 5 |
| iii) Puso ea bokolone.         | 5 |
| iv) Thothokiso ea senyesemane. | 5 |
| v) Polotiki.                   | 5 |

[25]

## POTSO EA BOBELI

- a) U ipapisitse le thuto ea thothokiso ea Sesotho ka litšiea tsa eona kaofela, ngola serapa se latelang ka tsela ea thothokiso.

### Joala

Ha kea noa joala ke noele moleko kajeno. Ntho ke ena e ntoma leleme shoqo, ke re kea bua leleme lea rarahana ke tahilo. Kannete le ho tsamaea kea hloleha kajeno, ke bona ke tla be ke tsamaee joaloka nku. Thibang rannyeo a se ke a tloha a nkotla. Nka fihla lapeng ke le marantha, e se bile e ka ke ipitikile matlakaleng ke bohlasoa. Athe che, ke ntho ena e bitsoang mokangkanyane. Ba e bitsaka ka mabitso manoa-joala, bang ba re ke thinya-o-fafohe kapa lebitla le ahlame, ha bang ba re ke makoele eona thabisa lihoho, thabisa le ba hlonamileng, mabele khunoana ralitlhaku. Utloang haa bo lakatsa ntate oa lona, o tla utloa a lla ka babalasi, a lla ka ho thothomela le hlooho ho opa, a lakatsa nama kapa lijo tse chilisi. E be o na ronngoe ke mang makhangpopong haa re hloleia tje. Motho le motho ke lekhoba la ntho eo a e ratang.

15

- b) U sebelisa mehlala e qotsitsoeng lithothokisong, hlalosa mekhabo-puo e latelang;
- |                  |   |
|------------------|---|
| i) Moqasa.       | 5 |
| ii) Thehello.    | 5 |
| iii) Mothofatso. | 5 |

[25]

## POTSO EA BORARO

Bala thothokiso e latelang e be u manolla lirapa tse tharo tse qalang;

[25]

### Bohloa

Raha likobo u lese ho khoba,  
U k'u etele chabana se teng ka thoteng;  
Kakapa tsa teng li fana efankheli,  
Mejo e hlaha ka khororo ea phatla.

Neo ea bohlokoa ho sona, tlhalefo,  
Tema se re e hlaha ke hlopha sa matsoho;  
Poho ha e kunye tšoele le e likile;  
Pin`a chaba sena: “Khokanyan`a phiri.”

Selaka-lakeng sa tsatsi le baletse,  
Kokoana li meroalo ho tlatsa lisiu,  
Etlere meea e hlaha kahosele,  
Kokoana li lule li imona menoana.

Sentle ke ho rema cheche le elile,  
Matlopo-tlopo a fumane hlab`a tona,  
Phofshoan`a maholimo e tšoeu tooa!  
Ho theleha ha eona ke tšita-baroalli.

Re boela re u tsoela khomo sekhoba,  
Lesa ho fetoha le letsatsi ho reteleha,  
Mphe-mphe e hloka mokota, mphato,  
U tla shoeloa ke bana u ruile matsoho.

Chabana ke lapa-leng sa litotoma,  
Jana se seng, selo li batliloe `moho.  
Olo sa bohloa lelapa la bohle,  
Mohlongoa-fatše ona ke matl`a matsoho-peli  
(Khiba, 1986).

### **POTSO EA BONE**

Thothokiso ea Sesotho e na le maoala ao sethothokisi se a sebelisang boqaping ba thothokiso. A k`u fane ka maoala a mane feela ho ao u ithutileng ona, e be u fana ka mehlala ho bontša tšebeliso ea maoala ao boqaping ba thothokiso. [25]